

兩漢書疏證



兩漢書疏證



後漢書疏證卷二十七

吳 沈欽韓撰

屈原賦二十五篇

自離騷至大招適二十五篇隋志專列楚詞一家云漢武帝命淮南王爲之章句旦受詔食時而奏之其書今亡後漢校書郎王逸集屈原以下迄於劉向逸又自爲一篇并敘而注之今行於世隋時有釋道騫善讀之能爲楚聲音韻清切至今傳楚詞者皆祖騫公之音按漢時朱買臣召見言楚詞宣帝徵能爲楚詞九江被公召見誦讀爾時自有專門可知其音讀非易也

唐勒賦四篇

御覽

六百三十三

宋玉賦云景差唐勒等并造大言賦

宋玉賦十六篇

攷證云楚詞九辨招魂文選風賦高唐神女登徒子好色賦古文苑大言小言鈞笛諷舞賦按笛賦非宋玉作隋志宋玉集三卷

趙幽王賦一篇

本傳作歌

莊夫子賦二十四篇

名忌吳人

楚詞章句王逸云哀時命者嚴夫子之所作也

賈誼賦七篇

隋志梁有賈誼集四卷楚詞章句云惜誓者不知誰所作或曰賈誼御覽五百八十二賈誼筍簴賦曰纓擊拳以繆虬免大鍾而欲飛古文苑有旱雲賦

枚乘賦七篇

隋志梁有枚乘集二卷攷證云古文苑有梁王菟園賦文選注王粲七哀詩枚乘集有臨霸池遠詠賦按西京雜又

有柳賦

司馬相如賦二十九篇

初學記有美人賦所謂玉釵挂臣冠羅袖拂臣衣者也

淮南王賦八十二篇

羣臣賦四十四篇招隱入楚詞隋志集一卷

梁二卷

攷證

劉向別錄淮南王有熏籠賦

見御覽七百一十一

按古文苑有劉

安屏風賦

孔臧賦二十篇

攷證孔叢子云臧嘗爲賦二十四篇四篇別不在集以

其幼作御覽

九百二十七

漢太常孔臧仲尼之後以才學知

名作鶚賦曰季夏庚子思道靜居爰有飛鶚集我室隅

異物之來吉人是符昔在賈生有識之士忌茲鶚鳥喪

用已咨我今攷信通秉真變性生家之天神修德滅邪

化及其隣又藝文類聚有孔臧蓼蟲賦

陽丘侯劉隱賦十九篇

吾丘壽王賦十五篇

攷證藝文類聚有驃騎論功論而賦不傳

蔡甲賦一篇

上所自造賦二篇

傷李夫人及秋風辭隋志武帝集一卷

兒寬賦二篇

光祿大夫張子僑賦三篇

陽城侯劉德賦九篇

劉向賦三十三篇

樂家所出琴頌應入此文選琴賦注劉向雅琴賦曰遊
予心以廣觀且德樂之愔愔楚詞有九歌古文苑有請
雨華山賦

王褒賦十六篇

隋志王褒集五卷傳云作甘泉洞簫頌洞簫賦在文選
楚詞有九懷文選注五十王褒碧雞頌曰持節使者敬

移金精神馬縹縹碧雞歸來歸來漢德無疆黃龍見兮
白虎仁歸來歸來可以爲倫歸來翔兮何事南荒漢時

賦頌通稱聖主得賢臣頌亦其一也

高誘注呂覽引
班固述通頌

右賦二十家

陸賈賦三篇

枚皋賦百二十篇

本傳頗詼笑不甚閑靡凡可讀者百二十篇

朱建賦二篇

常侍郎莊忽奇賦十一篇

嚴助賦三十五篇

朱買臣賦三篇

劉辟疆賦八篇

以下唐宋類書無
可攷者不書本文

司馬遷賦八篇

藝文類聚文選注引司馬遷悲士不遇

楊雄賦十二篇

攷證云本傳作四賦志云入楊雄八篇蓋七略所載止

四賦也古文苑有太玄蜀都逐貧賦文選注引覈靈賦

御覽一覈靈賦曰自今推古至於元氣始
化古不覽今名號迭毀請以詩春秋言之

博士弟子杜參賦二篇

按參與劉向同事者文選注七略又有尙書郎中北海

展隆

孫卿賦十篇

荀子賦篇所載是也

秦時雜賦九篇

劉勰詮賦篇秦世不文頗有雜賦本諸此

李思孝景皇帝頌十五篇

別桐陽賦五篇

不知誰作梁庾信賦桐陽有離別之悲

漢中都尉丞華龍賦二篇

蕭望之傳宣帝時與張子嶠等待詔王褒傳有柳褒

右賦二十五家

客主賦十八篇

子墨客卿翰林主人蓋用其體

雜行出及頌德賦二十四篇

雜四夷及兵賦二十篇

雜中賢失意賦十二篇

董仲舒有士不遇賦見古文苑

雜思慕悲哀死賦十六篇

雜鼓琴劍戲賦十三篇

雜山陵水泡雲氣雨旱賦十六篇

古文苑有董仲舒山川頌

雜禽六畜昆蟲賦十八篇

攷證劉向別錄有行過江上弋雁賦行弋賦弋雌得雄
賦

成相雜辭十一篇

荀子有成相篇楊倞云雜論君臣治亂之事以自見其
意故下云託於成相以喻意按樂記治亂以相鄭云相
卽拊也亦以節樂拊者以韋爲之裝之以穰穰一名相
因以名焉此則瞽矇之諷誦持此器以爲節故名成相
亦歌賦之流攷證云淮南王亦有成相篇見藝文類聚
隱書十八篇

列女傳

六

無鹽邑女言於齊宣王曰竊嘗喜隱宣王曰

隱固寡人之所願試一行之言未卒忽然不見宣王大驚立發隱書而讀之退而推之呂覽重言篇荆莊王立三年不聽而好讒成公賈願與王讒滑稽傳以爲齊威王淳于髡說苑正諫篇咎犯見晉平公曰臣善隱平公召隱士十二人咎犯申其左臂而詘五指平公問於隱官曰占之爲何隱官皆曰不知蓋如今之謎語掌於史卜筮者也又六韜陰書篇太公曰諸有陰事大慮當用書不用符主以書遺將將以書問主皆一合而再離三發而一知故列女傳臧文仲拘於齊文仲微使人遺公書恐得其書乃謬其詞云云左傳還無社申叔儀之語

國語秦客庾辭於朝此則兵交使往又敢尙於秘聞密
喻也劉勰諧讒篇至東方曼倩尤巧辭述朔與郭舍人
爲隱舍人不
服因曰臣願
復聞朔隱語自魏代以來頗非俳優而君子嘲隱化爲
謎語謎也者迴互其辭使昏迷也

右雜賦十二家

高祖歌詩二篇

大風起及鴻鵠攷證云大風歌亦名三侯之章

索隱侯
語辭也

沛詩有三兮
故云三侯

泰一雜甘泉壽宮歌詩十四篇宗廟歌詩五篇

疑卽郊祀歌十九章樂書云今上卽位作十九章令侍

中李延年次序其聲通一經之士不能獨知其辭皆集

會五經家相與其講習讀之乃能通知其意多爾雅之

文

按能通雅頌則郊祀歌無不可讀其辭句特外飾耳不料漢經生之陋如此若空守章句雖會五經家猶

未能

知爾

漢興以來兵所誅滅歌詩十四篇

宋書樂志魏繆襲造鼓吹曲有獲呂布克官渡等曲其義本於此

出行巡狩及游歌詩十篇

此應指武帝瓠子歌盛唐樅陽歌等也御覽

五百九十二

武

帝集曰奉車子侯暴病一日死上甚悼之乃自爲歌詩

臨江王及愁思節士歌詩四篇

當爲臨江閔王榮作李太白集有擬臨江王節士歌

李夫人及幸貴人歌詩三篇

外戚傳有是邪非邪詩

劉勰樂府篇孝武之歎來遲歌童被聲

王子年拾

遺記有落葉哀蟬曲未審其真僞

洞仙傳漢武帝思車子侯歌曰嘉幽蘭兮

延秀覃妖姪兮中溘華斐兮麗景風徘徊兮流芳皇天兮無惠至人逝兮仙鄉天路遠兮無期不覺涕下兮霑裳

詔賜中山靖王子噲及孺子妾冰未央材人歌詩四篇

文選有陸韓卿中山王孺子妾歌但汎詠姬妾衽席之情而已不得本事